



অবিলম্বে প্রকাশের উদ্দেশ্যে: 1/29/2026

গভর্নর ক্যাথি হোকল

শিশুদের অনলাইন নিরাপত্তা বজায় রাখতে জাতি-নেতৃত্বদানকারী প্রস্তাবনা নিয়ে
গভর্নর হোকল একটি গোলটেবিল বৈঠকের আয়োজন করেছেন

*অনলাইন প্ল্যাটফর্মে শিশুদের শিকারি, প্রতারক এবং ক্ষতিকর AI চ্যাটবট থেকে সুরক্ষা
দিতে এই প্রস্তাব সাহায্য করবে*

*সোশ্যাল মিডিয়াতে সতর্কতামূলক লেবেল প্রয়োগ, আসক্তিমূলক ফিড নিয়ন্ত্রণ,
ক্ষতিকর AI সঙ্গীদের বিরুদ্ধে সুরক্ষা কবচ তৈরি এবং স্কুলে স্মার্টফোন নিষিদ্ধ করার
ক্ষেত্রে গভর্নরের দেশসেরা উদ্যোগের ওপর ভিত্তি করে এটি নির্মিত*

অনলাইনে শিশু এবং কিশোর-কিশোরীদের সুরক্ষায় তার দেশসেরা প্রস্তাবটি নিয়ে আলোচনার
জন্য গভর্নর Kathy Hochul (ক্যাথি হোকল) আজ 'কমন সেন্স মিডিয়া'-র অভিভাবকদের সাথে
একটি গোলটেবিল বৈঠকের আয়োজন করেছেন। অনলাইন প্ল্যাটফর্মগুলোতে শিশুদের
শিকারি, প্রতারক এবং ক্ষতিকর AI চ্যাটবট থেকে সুরক্ষিত রাখতে গভর্নরের প্রস্তাবটি সাহায্য
করবে। এই প্রস্তাবটি সোশ্যাল মিডিয়ায় সতর্কতামূলক লেবেল যুক্ত করা, আসক্তিমূলক ফিড
সীমিত করা, ক্ষতিকারক AI সঙ্গীদের বিরুদ্ধে সুরক্ষা কবচ তৈরি করা এবং স্কুলে স্মার্টফোন
ব্যবহারের ওপর নিষেধাজ্ঞা আরোপের ক্ষেত্রে গভর্নর Hochul (হোকল)-এর দেশসেরা কাজের
ওপর ভিত্তি করে তৈরি করা হয়েছে।

“প্রযুক্তি এবং অনলাইন প্ল্যাটফর্মের উত্তরোত্তর উন্নতির ফলে বিশ্বের যেকোনো প্রান্ত থেকে মানুষ
এখন একে অপরের সাথে যুক্ত হতে পারছে। আর এই সময়ে আমাদের সন্তানদের যেকোনো
ধরনের অনলাইন ক্ষতি থেকে সুরক্ষিত রাখা আগের চেয়ে অনেক বেশি গুরুত্বপূর্ণ হয়ে
দাঁড়িয়েছে,” **গভর্নর Hochul (হোকল) বলেন।** “এই কাণ্ডজ্ঞানসম্পন্ন প্রস্তাবটি কেবল
অনলাইনে আমাদের শিশুদেরই সুরক্ষা দেবে না, বরং তাদের গেমিং এবং সোশ্যাল মিডিয়া স্ক্রল
করার সময় অভিভাবকদেরও মানসিক প্রশান্তি নিশ্চিত করবে।”

**কমন সেন্স মিডিয়া অ্যাডভোকেসি ক্যাম্পেইনসের সিনিয়র ডিরেক্টর Liz Foley (লিজ
ফোলি) বলেন,** “নিউ ইয়র্কে শিশুদের অনলাইন সুরক্ষা জোরদার করার অঙ্গীকারের জন্য
কমন সেন্স মিডিয়া গভর্নর Hochul (হোকল)-কে ধন্যবাদ জানাচ্ছে। শিরোনামের পর শিরোনাম
আমাদের দেখাচ্ছে যে, আমাদের সন্তানদের প্রিয় অনলাইন গেম এবং সোশ্যাল মিডিয়া
সাইটগুলো শিকারীদের বিচরণক্ষেত্রে পরিণত হয়েছে। বয়স যাচাইকরণ প্রক্রিয়ার বিস্তার,
প্রারম্ভিক ভাবেই গোপনীয়তা নিশ্চিত করা, অনিরাপদ AI চ্যাটবট থেকে শিশুদের সুরক্ষা প্রদান
এবং সন্তানদের নিরাপদ রাখতে অভিভাবকদের আরো ক্ষমতা প্রদানই হলো সেই রক্ষাকবচ যা

পরিবারগুলোর প্রয়োজন এবং প্রাপ্য। গভর্নর আমাদের শিশুদের ভবিষ্যতের কথা মাথায় রেখে নিউ ইয়র্ককে সঠিক পথে পরিচালিত করছেন।”

সোশ্যাল মিডিয়া এবং অনলাইন গেমিং প্ল্যাটফর্মগুলোতে নতুন ধরণের ঝুঁকি বা হুমকি থেকে শিশুদের সুরক্ষিত রাখতে গভর্নরের প্রস্তাবিত আইনি প্যাকেজের মধ্যে রয়েছে:

- **বয়স যাচাইকরণের পরিধি বিস্তার:** অনলাইন গেমিং প্ল্যাটফর্মসহ বিভিন্ন প্ল্যাটফর্মে বয়স যাচাই করার প্রয়োজনীয়তা বা নিয়মাবলী আরও বিস্তৃত করা হচ্ছে।
- **প্রাথমিকভাবেই গোপনীয়তা:** নির্দিষ্ট প্ল্যাটফর্মগুলোতে শিশুদের জন্য ডিফল্টভাবে সর্বোচ্চ স্তরের গোপনীয়তা সেট করা থাকবে। এর অর্থ হলো, পরিচিত বা সংযুক্ত নয় এমন কেউ শিশুদের মেসেজ পাঠাতে, প্রোফাইল দেখতে বা কোনো কন্টেন্টে ট্যাগ করতে পারবে না। অবস্থান সেটিংস ডিফল্টভাবে বন্ধ থাকবে এবং 13 বছরের কম বয়সী শিশুদের নতুন সংযোগ বা পরিচিতি তৈরির জন্য অভিভাবকের অনুমতির প্রয়োজন হবে।
- **AI চ্যাটবট ফিচারগুলো নিষ্ক্রিয় করা:** শিশুদের জন্য সোশ্যাল মিডিয়া প্ল্যাটফর্মগুলোতে নির্দিষ্ট AI চ্যাটবট ফিচারগুলো নিষ্ক্রিয় করা।
- **আর্থিক তদারকি:** অভিভাবকদের অবশ্যই সন্তানদের আর্থিক লেনদেনের ওপর সীমা নির্ধারণ করার এবং লেনদেনের ইতিহাস দেখার সক্ষমতা থাকতে হবে

স্টেট অব দ্য স্টেট-এর এই প্রস্তাবটি স্টেট ব্যাপী তরুণদের মানসিক স্বাস্থ্য সংকট মোকাবিলায় গভর্নর Hochul (হোকল)-এর চলমান প্রচেষ্টাকে আরো সুসংহত করে, যা শিশুদের জন্য একটি নিরাপদ অনলাইন বিশ্ব নিশ্চিত করার ক্ষেত্রে নিউ ইয়র্ককে একটি বিশ্বব্যাপী অগ্রণী স্টেট হিসেবে প্রতিষ্ঠিত করেছে। উদ্যোগগুলোর মধ্যে রয়েছে:

- দ্য সেফ ফর কিডস অ্যাক্ট (SAFE for Kids Act), যা শিশুদের জন্য সোশ্যাল মিডিয়ার আসক্তিমূলক ফিচারগুলোকে সীমাবদ্ধ করে এবং বয়স যাচাইকরণের বিষয়ে একটি গুরুত্বপূর্ণ জাতীয় নজির স্থাপন করে।
- শিশু তথ্য সুরক্ষা আইন যা অনলাইন অপারেটরদের অবহিত সম্মতি ব্যতিরেকে শিশুদের তথ্য সংগ্রহ এবং তা থেকে অর্থ উপার্জন করতে বাধা দেয়।
- AI কম্প্যানিয়ন আইন যা দেশের মধ্যে প্রথমবারের মতো সুরক্ষা কবচ নির্ধারণ করেছে; এটি আত্মক্ষতি সংক্রান্ত ব্যবহারকারীর কথোপকথনগুলোকে মানসিক স্বাস্থ্য সংস্থান বা রিসোর্সের দিকে চালিত করে এবং অস্বাস্থ্যকর আসক্তিমূলক আচরণগুলোকে বাধাগ্রস্ত করে। গভর্নর কৃত্রিম বুদ্ধিমত্তা (AI) দ্বারা তৈরি বা কারসাজি করা শিশু যৌন নিপীড়নমূলক বিষয়বস্তুকেও (CSAM) নিষিদ্ধ ঘোষণা করেছেন।
- দি আনপ্লাগ অ্যান্ড প্লে এজেন্ডা (The Unplug and Play Agenda), যা সামাজিক অবকাঠামো, খেলার মাঠ, কমিউনিটি সেন্টার এবং পুলের মতো বিভিন্ন ভৌত স্থাপনা নির্মাণে অর্থায়ন এবং যুব উন্নয়নমূলক কর্মসূচি প্রসারের মাধ্যমে শিশুদের সুস্থ সামাজিকীকরণ এবং বিকাশে সহায়তা করে।

- নিউ ইয়র্কের 'বিষ্ফোভহীন শিখন নীতি' (Distraction Free Learning Policy), যার ফলে ইতোমধ্যেই শিক্ষার্থীদের মাঝে অধিকতর শিক্ষাগত সাফল্য, উন্নত মানসিক ও শারীরিক সুস্থতা এবং অধিকতর নিরাপদ স্কুল [পরিবেশ](#) নিশ্চিত হচ্ছে।
- সোশ্যাল মিডিয়া কোম্পানিগুলোর প্ল্যাটফর্ম মানসিক স্বাস্থ্যের ওপর যে সম্ভাব্য প্রভাব ফেলতে পারে, সে বিষয়ে সতর্কবার্তা প্রচার বাধ্যতামূলক করতে একটি 'সতর্কীকরণ লেবেল' বিল আনা হচ্ছে।

স্টেট সিনেটর Andrew Gounardes (অ্যান্ড্রু গৌনার্ডেস) বলেন, “সহজ সত্যটি হলো এই যে, আমাদের সন্তানরা তাদের সময়ের বড় একটা অংশ যে অনলাইন প্ল্যাটফর্মগুলোতে ব্যয় করে, তারা তাদের নিরাপত্তা দিতে ব্যর্থ হচ্ছে। যদি বড় প্রযুক্তি প্রতিষ্ঠানগুলো ব্যবস্থা না নেয়, তবে আমরা নেব। ঠিক এই কারণেই আমি 'সেফ ফর কিডস অ্যাক্ট' (SAFE For Kids Act) এবং 'চাইল্ড ডেটা প্রোটেকশন অ্যাক্ট' (Child Data Protection Act) পাস করার জন্য আপ্রাণ লড়াই করেছি, এবং এই প্রস্তাবনাগুলোর মাধ্যমে আমাদের সেই সাফল্যগুলোকে আরো এগিয়ে নেওয়া প্রয়োজন। এই গুরুত্বপূর্ণ গোলটেবিল বৈঠকটি ডাকার জন্য গভর্নর Hochul (হোকল)-কে ধন্যবাদ।”

স্টেট সিনেটর Samra Brouk (সামরা ব্রুক) বলেন, “সিনেট মেন্টাল হেলথ কমিটির চেয়ারপারসন হিসেবে, আমি স্বীকার করি যে নিউ ইয়র্ক স্টেটে তরুণদের মানসিক স্বাস্থ্য একটি সংকটজনক অবস্থায় রয়েছে এবং আমাদের অভাবী তরুণদের সাহায্য করার জন্য প্রমাণ-ভিত্তিক সমাধানগুলো ব্যবহার করতে হবে। অভিভাবকদের সহায়তায় এবং শিকারি, প্রতারক ও ক্ষতিকারক AI চ্যাটবট থেকে আমাদের তরুণ প্রজন্মকে রক্ষায় গভর্নর Hochul (হোকল)-এর প্রচেষ্টা শিক্ষার্থীদের নিরাপত্তা নিশ্চিত করতে সাহায্য করবে, যা একইসাথে তাদের শিক্ষা এবং বিকাশকে অগ্রাধিকার দেবে।”

স্টেট সিনেটর Kristen Gonzalez (ক্রিস্টিন গঞ্জালেজ) বলেন, “বর্তমান প্রজন্মের শিশুরা বিগ টেক কোম্পানিগুলোর অপতৎপরতার কারণে শোষণ বা অপব্যবহারের এক অভূতপূর্ব হুমকির সম্মুখীন হচ্ছে। আমরা একের পর এক এমন সব মর্মান্তিক ঘটনার খবর দেখছি যা শিশুদের অনিয়ন্ত্রিত এবং প্রায়শই অজান্তে AI চ্যাটবট, আসক্তিমূলক মিডিয়া এবং ডেটা মাইনিং ব্যবহারের ফলে ঘটছে। আমি গভর্নরের সাথে এমন একটি আইন পাসের বিষয়ে কাজ করার জন্য অধীর আগ্রহে অপেক্ষা করছি, যা আমাদের তরুণদের নিরাপত্তাকে প্রাধান্য দেবে এবং একই সাথে অনলাইন প্ল্যাটফর্ম ও প্রযুক্তিগুলোকে তাদের অনিরাপদ বৈশিষ্ট্যগুলোর জন্য দায়বদ্ধ রাখবে।”

অ্যাসেম্বলিমেন্সার Steve Otis (স্টিভ ওটিস) বলেন, “গভর্নর Hochul (হোকল) এবং আইনসভা শিশুদের এমন প্রযুক্তি থেকে রক্ষা করার জন্য নীতিমালা প্রণয়নে জাতিকে নেতৃত্ব দিয়েছেন, যা তাদের শিক্ষা, বৃদ্ধি, গোপনীয়তা এবং স্বায়ত্তশাসনে হস্তক্ষেপ, কারসাজি, সুযোগ গ্রহণ বা ক্ষতি করতে পারে। ক্রমাগত পরিবর্তনশীল প্রযুক্তির মাধ্যমে যেখানে ব্যক্তিগত তথ্য খুব সহজেই পাওয়া যায়, এমন এক বিশ্বে শিশুরা বিশেষভাবে ঝুঁকিপূর্ণ। এই বছর গভর্নরের প্রস্তাবিত অতিরিক্ত সুরক্ষামূলক ব্যবস্থাগুলো শিশুদের এই ধরনের হুমকি থেকে রক্ষা করার ক্ষেত্রে পরবর্তী অগ্রণী পদক্ষেপ।”

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)